Ding Dong Dollar

O ye canny spend a dollar when ye're deid, O ye canny spend a dollar when ye're deid: Singin Ding Dong Dollar, everybody holler, Ye canny spend a dollar when ye're deid.

O the Yanks have juist drapt anchor in Dunoon An they've had their civic welcome fae the toon, As they cam up the measured mile, Bonnie Mary o Argyll Wis wearin spangled drawers ablow her goun.

Oh the Clyde is sure to prosper now they're here, For they're chargin wan and tenpence furra beer An when ye want a taxi, they stick it up their - jersey An charge ye thirty bob tae Sandbank Pier.

But the Glesca Moderator disnae mind, In fact, he thinks the Yanks are awfy kind, For if it's heaven that ye're goin, it's a quicker way than rowin, An there's sure tae be naebody left behind.

Final chorus

O ye canny spend a dollar when ye're deid, Sae tell Kennedy he's got tae keep the heid, Singin Ding Dong Dollar, everybody holler Ye canny spend a dollar when ye're deid.